

KONTROL MOZIOA

Altzako Eskalantegi, Berra, Darieta eta Molinao eremuetako bizilagunen beharrei buruzkoa

EH Bildu udal taldeko zinegotzi Zigor Etxeburua Urbizuk, Udalbatzaren Organo Araudiko 98. artikulua oinarri hartuta, mozio hau aurkezten du Udalbatzan azter dadin. Mozioa 2021eko ekainaren 14an Gune Publikoen batzordean aztertutako interpelazioaren ondorioa da.

JUSTIFIKAZIOA

Altzako Eskalantegi, Berra, Darieta eta Molinao eremuetako bizilagunek sarritan salatu izan dute Donostiako Udalak ahaztuta dituela. Hainbat arazo eta eskari helarazi izan dituzte:

- Azpiegitura soziokulturalen beharra: Molinaoko hiltegia baliatzeko aukera proposatu du Altza Historia Mintegiak; Luzuriaga eraikina berreskuratzea proposatu dute Luzuriaga Martxan ekimenean bildu diren herritarrak.
- Eskalantegin aparkaleku beharra, baita karga eta deskargarako eremuen beharra ere.
- Darieta kalea noranzko bakarreko bihurtzeak eragin dituen arazoak.
- Segurtasun falta: Sasuategi bidean, argiteria mugatua eta apalegia da, eta motelgailuak eskatu dituzte, autoak bizkorregi ibiltzen direlako; gainera, ez dago espaloirik. Berra bidean ere, moto lasterketak egiten omen dituzte noranzko bakarreko kalean.
- Kimaketa lan eta lorategien zaintza urriegiak: Lorete aldeko zuhaitzia gutxiegitan kimatzeak arazoak eragiten dizkie Eskalantegiko etxebizitzetara (argitasun falta eta usteldutako orbelak eragiten duen zikinkeria); auzotarrek sarritan eskatu dute Molinaoko makala kimatzeko; kexu azaldu dira bizilagunak Berrako begiratokia zikin eta esertokiak hondatuta daudelako.
- Irigarritasun arazo nabariak: Berra kalean, Zuluaga etxearen parean, espaloirik ez eta malda handiko errepidetik ibili beharra dute auzotarrek; Darietara iritsiko den igogailua noiz egingo zain dira auzotarrak, beste kokapen bat nahiago duten arren (Eskalantegiko 38. eta 36. zenbakien artean); hauteskunde eskolara adinekoekin iristeko zailtasun nabariak daude; Eskalantegi eta Lorete lotzen dituzten eskaierak oso egoera txarrean daude; Molinaoko aldapako barandan goroldioa dago.
- Eskalantegi kalean dauden merkataritzako eta ostalaritzako establezimendu bakanen egoera zaila da; askok itxi egin behar izan dute azken urteotan.

EH Bilduren ustez, inguru honek dituen ezaugarriak kontuan hartu behar ditu Udal Gobernuak, eta horretarako, auzotarrekin harreman sarria beharko luke. Horregatik, galdetu genuen batzordean zergatik ez dien arreta handiago eskaintzen Udal Gobernuak Pasaiako mugan dagoen Altzako eremu horretako bizilagunen beharrei, zergatik ez duen antolatu eremu horretako bizilagunekin harreman bide zuzen eta sarri bat, haien eskariak eta beharrak bertatik bertara ezagutzeko eta irtenbideak

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

haiekin adosteko, eta ba ote duen Udal Gobernuak inguru horretarako garapen eta biziberritze plan bat prestatzeko asmorik.

Erantzunean zinegotzi ordezkariak adierazi zuen Udal Gobernuak badaukala harremana auzotarrekin, baina ez dakiela zergatik egin behar den inguru horretarako garapen eta biziberritze plan bat, Donostiako beste auzoek arazo berdinak izanik. Udal Gobernuak eskari horiei erantzuten omen die aurrekontuak ahalbidetu ahala.

EH Bilduk argi du hiriko auzo guztietan dauden arazoei eta beharrei erantzun behar diela Donostiako Udalak. Era berean, argi dugu auzo bakoitzeko ezaugarriek berezitu egiten dituztela arazo eta behar horiek. Horrexegatik, iruditzen zaigu, Udal Gobernuak aipatzen duen Donostiako gainerako auzoek ere behar eta arazo berdinak dituztela, iskin egin nahi diela auzotarren eskariei, baina arazoek eta beharrek hor jarraitzen dute.

Horren haritik, EH Bilduk gogorarazi zion Udal Gobernuari uko egin ziola Pasaiaiko mugan Donostiak dituen auzoetako bizilagunen behar eta arazoak ezagutzeko eta aztertzeko batzorde bat osatzeari.

Horiek horrela, honako hau da behean sinatzen duen zinegotziak aurkeztutako KONTROL MOZIOA:

KONTROL MOZIOA

1.- Donostiako Udalbatzak hertsatuki eskatzen dio Udal Gobernuari egin dezala espazio publikoaren auditoretza bat Eskalantegi, Berra, Darieta eta Molinao eremuetan, parte hartzeko, irtenbideak zehazteko eta exekuziora eramateko prozedura batekin, eta esperientzia hori beste auzo batzuetarako baliagarri izateko borondatearekin.

2.- Donostiako Udalbatzak hertsatuki eskatzen dio Udal Gobernuari justifikazioan aipatutako eskarien egoeraren berri eman diezaiela udal taldeei, zehaztuta auzotarren eskariaren zehaztasunak, data, irtenbiderik eman zaion, bidean den edo baztertu den, eta zer irtenbide proposatu den.

Donostian, 2021eko ekainaren 17an

Zigor Etxeburua Urbizu
EH Bildu udal taldeko zinegotzia